



In Mercui ai 23 de Má él gnü sughé le recupero dla nona partida dl ritorno dl campionat 2011/2012 de 3° categoria por La Val. La partida é gnüda sugada te ciasa cuntra la squadra da Olang (che é penultimi te campionat).

Vigni iade canche La Val süga de mercui vëgnel garantí ai tifosi en grüm de goi. Sciöche al é bel stè cuntra Mühlwald ulache ara é jüda fora 9 a 2 por La Val, ince cuntra la squadra da Olang él stè na partida cun en grüm de goi, La Val davagna 6 a 5. Na bela partida, suradüt por la jënt che ciarâ pro.

Bel da mëter man dla partida é La Val che süga dër bun, cun la pala basa. Insciö nascel ince en bel gol de Alex Elzenbaumer. Sön en lancio dal centrocampo alt, é Alex che va cuntra porta, spo fejel en gran tiro al volo de dërt che scavalchëia le portier y rōia bel avisa sot la traversa ite. En bel gol de Alex che porta La Val in vantaje.

Püch dedô él spo le Olang che fesc le pareggio. Ai ciafa na puniziun püch sot a metacampo, le tiro che ê en cros rōia tl area, le portier da La Val vëgn fora, mo al ne é nia bun da abiné la pala che rōia insciö te porta. Spo él le mumënt dl Olang. Tl tēmp de 15 menüc ti garetel 2 goi. I atacanc jognd dl Olang é dër veloci. Sön trami dui i goi esi bugn da ti sciampé in velocitè ai defensurs da La Val. Sön le 1 a 2 ti garetel al atacant en bel tunel cuntra le defensur, al se porta spo cuntra le portier y é bun dal dribbeln dlungia ia y apogé le pal te porta. Sön le 1 a 3 pëia ince ia le atacant sön en bel passaggio in profonditè, mo bunamënter fosl stè fuorigioco. Al rōia dan le portier y cun en bel tiro sön le palo cürt fejel insciö gol.

Mo La Val ne la dá nia sō! Insciō ti garetel le 2 a 3. Sōn en bel passaggio de Stefan rōia Daniel Frenes cuntra le portier. Al se alungia en pū massa la pala, mo cun en bel "tocco sotto" el bun da mené la pala sura le portier fora y rōia insciō te porta. En gran tiro de Stefan a giro rōia ince bel avisa sōn le palo, foss sté en beliscimo gol. Micky á ince la pala dl pareggio: al rōia en bel cros ite a mez, Micky é en meter dan la porta, al se fesc stopen la pala impede trá al volo, insciō rōia en defensur bela avisa sōn la pala cíamò. Ai fesc prësc vëi en autogol, mo ala fin esi cíamò bugn da trá demez la pala. Mo denant che l'arbiter sciūra la fin dl prüm tēmp el spo Micky Frenes che fesc le pareggio. Na gran poniziun de potēza sōn i 30 metri, rōia te porta. Mo le portier ne é nia stè bun da parè. Le pal á ot denant che al ruvas te porta, dan insciō na strana traiottoria ala pala.

Tl prüm tēmp le arbiter á trat fora deplü gheles por trames dōes les scuadres. Le prüm tēmp se stlūsc jō sōn le 3 a 3.

Tl secundo tēmp él spo Daniel che porta in vantaje La Val. Al é bun da recuperé la pala a en defensur. Al se porta insciō te area y cun en bel tiro a giro sōn le palo lunch fejel le 4 a 3 por La Val. Pūch dedô él spo Micky che fesc so secundo gol portan La Val sōn le 5 a 3. En gran pasaggio de en centrocampist porta Micky in profundité cun en bel tiro bas dlungia le portier ia el bun da fa gol.

Daniel Frenes vëgn mazé jō pūch fora dl area. Insciō ti dal le arbiter la secunda ghela al defensur da Olang che mëss lascé le campo. Pūch dedô el spo Daniel Frenes che vëgn sciurè fora por soma de amoniziuns. Insciō sūga les dōes scuadrea 10 cuntra 10. A Olang ti garetel spo le 5 a 4. En defensur da La Val perd la pala te so campo, al se porta jō sōn le fondo y fesc ite en bel cros a mez, ulache le atacant é bel su y mëss ma plü apogé te porta. Dô da 10 min ti garetel spo le pareggio a Olang. Sōn en calcio d'angolo rōia le atacant plü alt sōn la pala y é bun da fa gol de cé. Na gran testata cun la pala che rōia naota jō portera y dopo sō tl incrocio lunch.

Insciō é Olang indô te partida. I sogadusc vëgn tres plü nervösc. Le arbiter mët indô man da parti fora gheles. Micky ciafa ince la secunda ghela y lascia insciō La Val in 9. Ti ultimi menüc é La Val che drūca y pro da davagné la partida ince sce ai é ma plü in 9. Sōn dui calci d'angolo

vëgnel sciuré jö porter en iad Romeo y en iad Adrian, mo le arbiter ne dá nia le rigore. Mo tl recupero é La Val che á cíamò na rimesa. La pala rōia bel avisa te area, ulache Paolo la mët jö, al rōia adalerch en defensur y le maza jö. Le arbiter dá insciö le rigore.

Ivan se prejēnta sön le rigore y fesc gol. Chësc gol ti scinca insciö la vitora a La Val.

La partida se stlüsç jö insciö sön le 6 a 5.

Cun chësc punt davagné se porta La Val al 6. post te tlassifica.

□

La formaziun titolara: Rubatscher Raimund, Tavella Thomas, Alton Alex, Tavella Jordan, Tschaffert Ivan, Frenes Micky, Sottara Stefan, Sottara Freddy, Frenes Daniel, Elzenbaumer Alex y Frenes Micky.

□

Sostituziuns:

Verginer Franzi por Sottara Freddy

Vallazza Paolo por Tavella Thomas

Miribung Adrian por Elzenbaumer Alex

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)